

He Whakatau

Me mātua pānui kia mārama rawa koe ki ngā whārangi 8–14 o tēnei pukapuka.

He whakarāpopoto

Pānuihia te whakarāpopoto ki te ākonga. Ahakoa kei hea ngā tipuna kei reira anō a Penu. Kātahi anō te poti ko tēnei!

He kupu whakataki

Kia kaha ki te whakamahi i ngā wheako, me ngā mōhio o ngā ākonga. Kia hāngai tonu te whakatenatena, ki te whakauru i ngā ākonga katoa. Me whakatitina rawa te pūkenga tiro whakamua. Matapakihia ngā kupu hou me mahi rawa te papa kupu me ngā whakaahua kei te uhi. Me whakamaumahara hoki te ākonga kia pātai ki a ia anō, i te wā e pānui ana ia mai i te tīmatanga ki te mutunga o te pānui.

Pātaihia te ākonga he aha pea te take i huaina ai te ngeru i roto i te kōrero nei *Mōkai Ihu Penu*.

Kōrerorerotia ngā take e kitea ana ngā ngeru hei momo mōkaikai pai mā te kaumātua. E ai ki ngā whakaaro o te ākonga ka aroha pea a Ihu Penu ki ngā kaumātua, me ngā kaumātua ki a Ihu Penu? Me pēhea koe e mōhio ai e aroha ana tētahi ngeru ki a koe?

He Matapaki

Tirohia te pai o te pānui a te ākonga

I te wā o te matapaki me pānui te ākonga i te katoa, i tētahi wāhanga noa iho rānei, o te pukapuka ki a koe. Kātahi ka:

- whakanui, āta tatari, whakahau tika;
- titiro mēnā e tika ana, e pai ana hoki (mā te tatau i ngā hē), te rere o te reo;
- titiro mēnā e mārama ana mā te whai i tētahi o ngā huarahi e whai ake nei;
 - te pātai i ngā whakapuaki māramatanga me ētahi e tika ana, ā, whakaritea kia kōrero anō te ākonga i tētahi wāhanga o te pakiwaitara ki āna kupu ake;
 - te pātai mō tētahi āhuatanga o te pakiwaitara, arā, te kaupapa, te ritenga, ngā ariā matua, te raupapatanga, ngā kiripuaki;
 - te whakatenatena i te ākonga mō tana tiro ki mua i whakaputa ai ia i te wā o te whakataki.

Whakaarohia he aha atu hei mahi mā te ākonga

Me whakahau te ākonga:

- ki te whakamahi anō i te pukapuka i te taha o te mihini ripene kōrero, i tōna kotahi rānei;
- ki te whakaoti i tētahi o ngā hei mahi e pā ana ki te pukapuka;

- ki te whakaharatau kia eke te ākonga ki tētahi atu taumata.

He whakapuaki māramatanga me ngā whakautu

1. Nā te aha i tapaina te poti ko Ihu Penu?
2. I hoatu te whānau i tētahi poti ki a Kui rāua ko Koro hei aha?
3. Ko te tikanga, ka kitea a Ihu Penu i hea?
4. He aha i pērā ai te aroha o ngā tipuna ki a Ihu Penu?
5. He aha i pērā ai te aroha o Ihu Penu ki ngā tipuna?

1. Nā te tino parehe o te ihu.
2. Hei hoa mā rāua, kia kore ai rāua e mokemoke.
3. I ngā wāhi kei reira a Kui rāua ko Koro.
4. Ka rerekē ngā whakautu.
5. Ka rerekē ngā whakautu.

He Mahere – Hei Tautoko i te Reo

E whai ake nei ētahi huarahi hei mahinga ngātahi mā ngā ākonga. Tirohia ngā whārangi kei te Tirohanga Whānui mō ngā tino āhuatanga o te pukapuka nei.

Te pūtake

T Te tipako mōhio mai i te pukapuka.

He whakatakinga ā-roto, he whakaharatau

I mua i te pānui i te pukapuka, kōrero mō te aroha me ngā hononga o ētahi tāngata ki ā rātou mōkaikai. Matapakia ngā mahi a te tangata hei whakaatu i tōna aroha ki tana ngeru, me ngā mahi a te ngeru hei whakaatu i te aroha ki te tangata.

Kia oti i te ākonga te pukapuka te pānui, matapakia te āhua o tā te kaituhi whakaatu i te aroha i waenganui i te ngeru me ngā kaumātua. Whakarārangihia ngā mahi a Ihu Penu me te āhua i whakaatu ai aua mahi i te aroha ki a Koro rāua ko Kui.